

umahlíkua sialungunga ina'ana

akuisa mainimana, maci miungucua sikilalialina, rianua ina'ana picua mapaci uvucungu, paciri ucani sampulu maisikici tanguhluu, ikuan satu'u, hla mikuacacaru, lika'a patupuhlu utulu caruvu hla ivavu hlipatupuhlu utulu caruvu, tamuucu hlipavacavacanga cumavu, pakituru masunguli saliana, usua ari hla utulu ari rumia murupahlu, aunana ia patilupungaicu.

miungucu maruatauvu hlipucu mapacina, ihlaila siasasangaru mamaini. marua hlimutupahlu, mara ucani taizing pakungahla, murumita ahlicuvunga upatu suhlatu, anua kuakahlangukia matiaramura'u ngusuu. ari kani'i naani hlimana iamana, kupataingalu hlipucumapaci ina'ana. pahluaili kana'a hlipasamia ta'iarana, rianu siasasangara.

pasamia kana'a mainia pahlivinga ahla aanu, hlipicu mapacina ihlaila tam langulangu pasamia ta'iarana, ucanii ma sikilaliali iniciki tuahlu kutuahlu. ta'iaraisaka maini, kuhlaisai manaukia umuisana, ma kaupapangu maruamia taluru marakauru papuhlan sahlumu kulusu uumu. kani'i ma mi'a'a kani'i mapacina, pahlu hla sikuamiana, ku pataingalu hlipicu mapaci ina'ana. rahluacua ina'ana maci'i, mavacangukai marua hliapulava, sitakuamia picua mapacina. sia'u'uraisamana hlivuraisa

siacalaia ina'a, atuatuuhlungu patasuuru sitakuamia ina'ana, maniki uka'acu ina'a, siacalaiaisa hlimulavau, tumuakia macalaiisana, mairahlucu kapataruakuhla. siacalaiaisa ina'a ia miungu ariari, pahluna akuisa mainimana, tamuucikia atuatuuhlungu. karukuhluaku atuatuuhlungu, maci mangasipia ina'ana kani'i, mairahlu mavavacangu siangusipiku, ma kani'i hlicalivana, maci miungucu ruvana, tumatatangiaku, ta'iaraisaka, miatataruaku ina'ana, ahliki'ai tuahlu ina'ana ma patikiku maiatuhluhlu ihlaku, arupakakari ihlaku ahla pasaulusu pasaulaula' u. tamuucu takuliacu tikiku, ucaniika, hlikihlahlamua ina'ana ihlaku, maci miacikiria ina'a ia tumuakia pasamanganu maiatuhluhlu takacicihli, pasamanganu musuturu, iniciki tuahlu maramacucu. kuhlaisai, angahlicu kani'i rumiacuaku varu'u siangusipi, kucuaku patakuliacu ina'ana. aunana ia ina'ana nua ihlaku, tuahlu sasamu pi mavacangu tukuhla mavacangu vahlici.

(文章大意 僅供參考) ※字數限 200 字

對母親的思念

小時候，每逢佳節，母親都要釀造米酒，蒸好一鍋米飯裝進盆里，放上酒糟，裡三層外三層的棉衣，包裹的嚴嚴實實，根據家中的室溫，放兩至三日進行發酵後便大功告成。回憶起那些久違了的陳年往事，滿滿的都是快樂。

物資缺乏的年代，米酒算是奢侈品，只在逢年過節，舀出一大勺加大量的水熬著吃。母親去世多年，所幸留下了製作米酒的祖傳秘法。感恩母親給予的愛，懷念母親的一切，樹欲靜而風不止，子欲養而親不待，母親的愛是永恆的。